

宋

會

要

宋會要

屯戍

真宗咸平六年七月內帝曰自來邊鄙戍兵受代往還
朝廷須遣使部押本營既知各辦行計洎列商議改更
或即且留虛成煩費各有怨咨今後替移並密封宣頭
令遣使直至軍前施行 十一月帝曰近來累有人告
論將校歛兵士緡錢稱赴京於樞密院所司請求出軍
及屯戍之處及今鞠勘皆小人妄託名目規求財利兵
士雖已寘於法累行條約尚有違犯可再告諭諸軍朝
廷所發師旅皆是進上兵籍朕自點定所去處之所貴
稟信免令枉費至陷刑辟 景德元年二月詔應西川

峽路等處戍兵先以二年為限其權管將校亦如之先
是帝曰劔外戍卒更代已是有定制其將校有至五七
年十年者尤所非便故有是命四月詔并代管内緣邊

戍兵二年以上並代之仍自今所上兵籍並明註出外
年月不得隱漏先是帝曰并代邊塞苦寒逃亡者相繼
王繼英等近聞并代兵籍其沿邊戍兵只自逐處移替
有至七年十年不代者故有是命四年七月帝謂知樞

密院王欽若等曰河東一方就糧禁軍數多朕常以為
若措置失宜久恐非便今又併令并代州總管司一處
管勾事權非輕已議差吳元辰知潞州其并代州總管
司所轄兵馬可割澤潞晉絳慈隰威勝等七州軍就糧

禁軍令吳元扆提舉管轄更不隸并代總管司其潞州
仍差如京使劉贊元充轄兼同提舉澤潞等州軍馬所
降宣命恐逐路未悉其事未有憂疑可具以澤潞等州
軍屯駐駐泊就糧本城諸軍兵士每有申帳及揀入呈
馬并諸般公事往并代州總管司取候指揮山路遙遠
不易今就近割屬吳元扆管提舉管勾更不係并代州
總管司仍盡籍兵馬之數付之 大中祥符二年九月
令有司籍川峽廣南福建江南戍兵及三年者代之
五年九月廣州駐泊鈐轄秦義言州有澄海三指揮前
準詔止令訓練無得差役慮寢以驕惰望徙屯嶺北州
軍從之 七年八月詔嶺表屯駐駐泊禁軍本城兵士

得替日各支出額盤纏錢 九月令瀘州消并監戍兵
自今分番而往以地多疾疫故也 天禧二年詔外戍
諸軍前賜緡錢減在營者半令特全給之 仁宗寶元
二年二月七日輔臣張士遜等言禁兵西戍其家屬在
營者多貧窶帝曰朕亦慮之即召內侍等就殿隅取刀
筆疏其大校以下至卒伍凡數以示輔臣曰今出內府
錢十萬貫付有司以濟其家不欲損三司經費故也士
遜等曰上恩如此人臣安得不投死耶謹奉詔 康定
元年四月九日詔在京諸軍戍邊者其在營家屬令入
內內侍省每月一次選差內臣三兩貫就營存問有疾
者令翰林祇候看驗死喪無親屬者官為殯埋其外處

令本屬官差人依此存恤 二年七月十五日翰林學士王堯臣言諸州土兵並差在沿邊屯駐內有已及四年未得更替者乞候入夏別無緊切事宜即每指揮逐都作一番次方歸務令均一從之是月二十七日詔陝西都總管司邊兵未經教閱者權徙近裏州軍俟訓練精熟即遣戍邊面 慶歷二年正月詔麟府路兵罷瘞而不任征役者徙近裏州軍以省邊費 四年正月詔以陝西灾傷永興軍軍馬徙近糧草多處候麥收還軍 五年正月樞密副使韓琦言夏人雖已請命而不可不備羌人翻覆之變令四路所駐兵十分中且留六分在邊二分令東還一分徙屯近裏州軍其廊延路徙屯

河中府環慶涇原路徙屯邠州永興軍秦鳳路徙屯鳳翔府從之 六月知益州文彥博言益彭邛蜀漢五州非用馬之地而逐州共屯馬軍凡二十餘人請皆易以步軍詔易三之一 六年正月詔廣南東西路轉運鈐轄司方春瘴起戍兵在邇者權徙善地以處之 二月二日河東經畧安撫使判并州夏竦言將來分屯本路軍馬邠三千河陽二千懷州七下河北京西轉運司計度糧草營房從之 四月帝謂輔臣曰湖南蠻徭未平而兵久留方夏秋之交嘗苦瘴霧之疾其令醫官院定方和藥遣使以給之 五月徙陝西駐泊軍士月給錢糧多者屯近襄州軍 七月七日廣南東路鈐轄司言

連賀州兵級屯戍多時正當交酷久在煙嵐之地人多
病患望量賜特支從之 九月知青州葉清日言發州
地震不止請增屯禁軍以防兵寇之變從之 皇祐元
年二月詔發京師禁軍十指揮赴京東東西路駐泊以
備它盜而京東東路安撫使富弼言本路遽增屯禁兵
慮動搖人心欲量留一兩指揮詔兵已就道俟將來歲
豐令還京師 三月三司戶部副使包拯請徙河北關
糧處士兵及戍兵於近南州軍候經置遣儲有備復令
還軍從之 六月包拯言自河北經水災而州郡多闕
食請權徙莫州馬軍十指揮于真定府深州馬軍兩指
揮于祁州步軍兩指揮于澶州從之 十二月詔陝西

諸路經畧司徒屯馬軍近地以省邊儲 二年七月詔
廣南西路安撫司比留禁兵四千戍邕州其月給錢三
百李給銀鞋錢一千俟桂州募足雄畧軍即代還之
五年閏七月詔廣南西路戍兵及二年而未得代者並
罷歸其鈴轄司所遣土兵歲一代之自儼智高之亂駐
泊禁軍及桂州等處雄畧忠敢澄海軍凡三萬四千四
百四十一人分戍諸州至是罷還戍兵而令土兵屯戍
嘉祐五年十一月鄜延路經畧司言緣邊德靖等十
堡寨頻有賊馬入界開墾生地并剽畧畜產雖以戍兵
扞守比稍習山川道路又復代去請就十堡寨招土兵
兩指揮教以騎射之法每處留屯百人從之 七年十

二月詔陝西土兵毋得戍他路見戍者亦遣代歸 治平元年九月二十六日詔涇原路等處屯駐駐泊近上禁軍廣南西路都鈐轄司桂州等處屯駐駐泊等兵士年滿並依例抽差替換歸營 三年五月十五日樞密院言桂州等處駐泊虎翼等指揮畸零人依舊例差人替接外全指揮兵士欲差在京或府界京東西就糧禁軍江淮教閱忠節對替仍今後依此輪差及勘會到廣西等處駐泊人數從之 先是中旨自來東兵差往廣南瘴煙之地屯駐多不服彼中水土十無五六得回營者適具經久利害聞奏故有是詔 治平四年五月二十八日 神宗即位未改元 樞密院言勘會賈昌朝乞在京就

糧禁軍差往河北東路緣邊駐泊如北京闕人却乞於
隣近州軍輪卹詔令後太原府代州路屯駐駐泊在京
禁軍年滿者先自大明府路差兩指揮替換候年滿即
於真定府及高陽關路互換差撥如廊延環慶路即於
河東路就便差撥替換 六月七日同知諫院傳卞言
乞今後畿縣屯禁兵及五十人以上更添兵官一員仍
並精選材武之人詔府界縣分屯兵多處知縣都監依
舊條精加舉選 是月右監門衛將軍蕭注言乞減省
安撫都監及兵員等事樞密院檢會廣南東西兩路屯
泊就糧兵士蓋自僮賊事宜後來添屯今賊平已久嶺
外無事屯兵尚多况廣西稅入至薄糧餉不給皆自內

地輪輪詔下廣東經畧使具本路見屯兵甲合行減省
利害以聞經畧安撫司言準詔減屯駐兵士仍揀刺澄
海三千人添補相度利害廣韶南雄等州須至宿兵為
防只淮南江南東西荆湖南北威果忠節雄畧之類三
百料錢全指揮充詔留駐泊禁軍一千人分在三州
十一月陝西轉運司薛向言緣邊多差東兵戍守如慶
州大順城荔原堡保安軍德靖寨去虜境甚通皆有龍
神衛拱聖神騎兵士革不關戰關不保安軍德靖寨去
虜境甚通皆有龍神衛拱聖神騎兵士革不關戰關不
知山川道路往往敗事却有土兵駐泊只是防托乞極
遣城寨只土兵却都東兵近裏城寨守把詔陝西四路

經畧司依此施行

神宗熙寧元年十二月四日詔令

京東武衛四十二指揮並隸河北逐郡都總管司管轄

定州高陽關路各一十八指揮大名府路六指揮分番

往戍其下番者於本路兵官中選差三員依河北教閱

新法訓練仍差使臣押教

先是此軍本備河北戍守近

歲亦分屯諸路今並隸河北將減沿邊土兵以省三司

供餽之費也

二年正月十七日樞密院進呈河北糴便

司所具本路難得軍儲入中州軍上曰近令勘會此事

欲於粟麥價貴州軍量減住營兵數立為定額庶以省

財用也且祖宗朝北戎無警即使罷兵今既講和而屯

兵至多徒耗錢帛若於近裏糧食賤處增募營兵但令

往戍極邊甚為便計呂公弼曰沿邊之兵不可多減若
遇大閱人數全少北戎觀之非便彥博曰自有遣戍兵
衆不至闕事也上曰卿等可詳議以聞 三年九月十
四日詔樞密院畸零兵士今後差往諸處屯駐駐泊并
巡檢下及守把年滿即令就整頭頂差撥替換仍差令
史李紘張繼恩管勾如遇轉移依舊管勾 十二月三
日內降府界及諸路兵更戍之法先是諸路戍兵多是
畸零不成隊伍及互換差撥絡繹道路公私之間皆所
未便故特降畫一指揮仍詔今後依此其該說未盡事
理令樞密院比類條奏 四年二月十四日詔先差河北
廣南年滿全指揮禁軍差人替換歸營陝西已差替兵

九年六月十六日
清按宋史
兵志成制
作五年六月
十六日

士迹處不得占留發遣歸營先是中旨勘會在京殿前
馬步軍司差撥外兵數不火京師根本之重於理非便
其治平四年熙寧元年差出之人可契勘抽回故有是
命九年六月十六日詔河北軍馬番上河東屯泊者今
後並二年一替河北軍馬例不出成上慮其驕愎因命
更互於河東駐而減更期一歲以優之 閏七月二十
六日樞密院請以京東武衛兵四十二指揮屬河北路
令總管司勾押差使從之仍並以二年一替於數內以
三千人赴揚州杭州江寧府權駐泊河北兵籍比諸路
為多其沿邊者悉仰給三司言事者屢請損其數比因
撥併畸零而立額止於禁兵七萬京東土地沃饒租賦

有餘於是又增置武衛軍嚴其訓練之法數年皆為精
兵至是分隸河北四路物議稱便京東除已將武衛等
隸河北路屯戍外見管軍馬四十三指揮又以東南兵
籍寡少議者多以盜賊為言故遣戍焉 八月十三日
詔陝西諸路經畧使夏國已差人進誓表可相度減將
下及州軍城寨屯泊東兵 十月二十三日詔京西路
就糧禁軍番上永興軍路屯戍二年一替京東路糧禁
軍番上河北路屯戍舊制在京諸軍來同差遣上以兩
習故先命京東武衛等六指揮專戍河北又京西
武衛等二十人無遠二十九日詔河東路屯泊兵士減
分番迭上以為便
十指揮歸營更不差人替仍令本路相度更于外抽減

就糧兵士歸營

時西事已平又河外自慶唐事宜之後

以借六年五月二十五日詔河東就糧馬軍四十七指

財費

揮自今輪差七指揮赴廊延路都總管司抽減屯泊馬

軍內十指揮歸營 十一月十一日熙河路都總管司

言乞將秦鳳路宣武等指揮赴本路權替土兵歇泊從

之 七年八月二十六日詔河北上番京東武衛等兵

士並抽歸營歇泊以首邊儲 十二月二十四日詔權

發遣慶州范純仁權同判武學劉奉世看詳廊延路分

將文字當如何措置以聞其後純仁等言相度將本路

第一將駐慶州第二將環州第三將大順城第四將淮

安鎮第五將業樂鎮第六將木波鎮第七將永和寨第

八將邠州各統領就糧屯駐駐泊并下番正軍強人漢
蕃弓箭手兵馬從之 八年二月十三日詔移河東屯

戍兵馬五千歸營以其餘糧賑濟飢民具次第以聞

十二月十三日詔令鄜延環慶涇源秦鳳路經畧司與

本司轉運司相度如沿邊錢糧闕乏即將上番就糧兵

量減歸營

先是神詔永興秦鳳等處連歲災傷邊

九年

十一月一日樞密院言熙河駐泊兵歲滿今差當以在

京虎翼等指揮代之上批衛兵已少若於京師取足必

恐日益賒減可令在京步兵止差十二指揮神勇宣武

廣勇各一指揮虎翼九指揮 元豐四年二月二十八

日詔諸州駐泊軍馬知州與駐泊兵官同管屯駐就糧

本城軍馬知州通判與本州兵官同管其五路都總管
司所在舊分將分管轄者即通判與本州兵官更不管
轄以莒州路轉運司申明舊制故也五年正月十八

日詔諸路戍兵逾期久未更代慮人情思歸應守戍之
人展一年為替限四月十七日熙河蘭會路經畧司
言經制司欲以熙河州戰兵對替蘭州疲病不勝甲將
士緣本管兵不少乞自朝廷應副詔發在京拱聖驍騎
雲騎武騎各一指揮殿前步軍司虎翼各五指揮六
年二月二十二日提點廣南西路刑獄彭次雲言邕州
外鎮寨水土惡弱乞量留兵更戍其餘盡用峒丁於管
下諸州以季月輪差給禁軍錢糧詔許彥先劉何相度

後彥先等奏若盡以峒丁代正兵防守妨其力農經久
非便請計戍兵三分以一分用峒丁代之李輪二千人
赴邕州練習武事從之 七年正月十八日詔河東鄜
延環慶涇原路經畧司如無大段賊馬嘯聚可遣邊兵
分屯免虛食貴價糧草 二月十一日秦鳳路經畧司
言對境尚有賊馬未敢放漢蕃諸軍詔諸州無寇已散
遣兵馬委經畧司詳度如虜不大入寇即以次放散李
憲言本路上下番土兵自軍興以來未嘗下近乞歸營
補洗詔昨新募往永興軍駐泊將兵可權差半將往代
下番人 十一月十九日樞密院言西賊近寇熙河涇
原勢已敗北深冬苦寒必不能大舉涇原秦鳳防秋軍

馬並在極邊坐耗芻粟欲委經畧司審度抽兵各歸近裏從之以陝西轉運司言賊退乞減邊兵也哲宗元祐元年四月十八日樞密院奏應諸州縣窺坐禁軍日分其半赴教窺坐者月替州界巡檢半生縣鎮等守禦季替遇出戍並當日差人替換歸營 六月十四日右諫議大夫孫覺言將兵之禁宜可少解而責之所在守臣與州郡兵官可乘此時令所在廣行召募稍補前日之額循祖宗之法使屯駐三邊及川廣福建諸道州軍往來道路足以服習勞苦南北番屯足以均其勞佚詔陝西河東廣南將兵不輪戍屯它路河北輪近裏一將赴河東府界諸路逐將與不隸將兵並更互差撥出戍別

路赴三路者差全將或半將餘路聽全指揮分差仍不
過半將 十月一日樞密院言東南十三將初未定出
戍路分及不隸將兵內有出戍名額少而所轄指揮數
多處未得均當欲除廣東東西兩路駐劄三將各專隸
本路及虔州等六將全永州第九將專備兩路緩急並
免戍他路外餘八將及不隸將兵依均定分輪戍各聽
路分都鈐轄司差使即輪出將兵不隸將兵路分權撥
在京步軍補戍回日復初從之 十二月十六日廣西
經畧要撫都鈐轄司言乞除桂宜融欽廣州係將不係
將馬步軍輪差赴邕州極邊水土惡弱寨鎮監柵及巡
防并都同巡檢等處並乞依邕州條例一年一替其餘

諸州差往邕州寨鎮及左右江溪峒巡檢并欽州如昔
峒抵棹寨並二年一替其諸州巡檢下一年一替從之
二年六月二十四日樞密院言往者熙河蘭會路戍
兵數多尋以年滿二十餘人節次抽減歸營兼本路見
管戍兵比額尚多一千三百餘人今朝旨令熙河蘭會
路都總管司遇本路緩急闕人許於秦鳳路勾抽一將
應副緣本路慮向秋闕人防守欲熙河蘭會路都總管
司遇本路緩急闕人聽全勾秦鳳路九將應副差使從
京差步軍五指揮赴永興軍商號軍州權駐劄以備秦
鳳路勾抽從之 三年二月九日詔以陰雪苦寒令河
東路經畧司於例外量度存恤差發戍兵 四年五月

四日樞密院言河北陝西河東路兵馬輪戍沿邊舊例並係一年交替內河東自元豐八年改作二年欲請仍舊從之 十二月八日詔減廊延等路戍兵節次歸營先是夏人逆命陝西諸路奏乞添屯今已通貢故有是命

六年七月八日樞密院言調發諸路出戍軍兵一月差人替換從之 十二月湖北邊事司言沅州最處極邊戍兵不習水土例多死亡乞以辰州雄畧兩指揮兵員更戍免戍它路從之 紹聖元年閏四月二十六日詔廣西路戍兵欽州抵捍寨二百人如背峒巡防二百人廉州三村鹿井寨各十人融州王口寨安廂寨共二百七十人依逐州縣寨防托守隘例輪差土丁以代正

兵內抵棹寨土丁六十人如昔峒壯丁七十人三村鹿井寨土兵共二十人王口安廟寨土丁共九十人並月一替各支錢米有差仍免冬教

先是經累使謝麟奏請本路駐泊及巡檢下並

差土丁以代三分之一下轉運提刑司相度故有是詔

三年正月二十八日

熙

河蘭岷路經畧司言夏賊盜塞多趣通遠軍定西城尤當賊衝而戍兵單寡不足以威虜欲分通遠軍駐劄第五副將屯定西城從之三月十六日樞密院言自來調發軍馬出戍到營年月深淺差使勞逸不均詔今後應發軍馬並到營及二年方許差戍四年二月九日詔河東路都總管司那融替換上番兵馬無令戍遠日久致有勞弊如無人替換俟春月事宜稍息即先後上

番四時抽減一番兵馬歸番營 二十二日樞密院言
呂惠卿奏謀告夏虜將盜寨實路土兵多闕番兵弓箭
手以元豐元年少二千二百東兵馬步軍比元豐四年
七年少十六指揮乞差東兵步人十六指揮助守按元
豐中大兵加興靈是以東兵少今廊延戍兵已三萬六
千視元豐不為少正兵雖闕目可以招補若能裁損冗
占分布要害以待寇至何不足之有况其它被邊路未
有請益兵者詔廊延總管司賊犯塞實戍人戍守可量
留戍兵八指揮之年滿者事平立遣 元符二年六月
二十四日廊延路都總管司言本路修米脂等八堡寨
乞不招置土兵只用永興軍等四州新置番落八指揮

百字据宋史
兵制兵十改

卷一百三十九

三

歲輪四指揮赴本路詔河中府同華州新置番落六指揮分作兩番每年迭赴廊延路三年十二月二十四日徽宗即位未改元詔邊師減額外戍兵徽宗大觀

三年六月二十一日詔東南兵雖令招足闕額緣祖宗已來人未繁盛舊來兵數雖少可以支吾今承平五十年之久地大人衆已見兵寡勢弱非持久之道可除見今兵額外帥府別屯兵二千人望都屯兵一千人每二年令更互出戍四年閏八月十日臣僚言勘會自來宣發出戍將兵每二千里外支借兩月錢糧三千里外借三月錢糧蓋所降宣命係駐劄近而戍守遠若今後宣發將兵如駐劄遠而戍守近或駐劄近而戍守遠

其借請恐合並從速支借自來未有明文又契勘自來
起發將兵州軍闕少衣糧錢物之類並移申本路轉運
司下有處州軍支移其闕物州軍差衙前往彼般取至
有徃復遲延應用不及致有闕誤若不立法竊慮今後
紊煩朝廷今檢會元符令諸軍差出五百里以上許借
請受二月十里以上兩月三千里以上三月諸借充錢
物應支地里脚錢者借充官司出備崇寧將官教諸軍
差出五百里以上具人數地里報州縣借支請受看詳
除借充錢物自合依條令借充州軍出備脚乘外其轉
運司行下諸州借充錢物多不契勘的實有物州軍致
展轉般運虛費脚乘使軍兵有違起發日限顯屬未便

今增修下條諸軍差出五百里以上人數地里報州縣

借支請受其一將下人兵住營在兩州以上者以地里

遠處為限一等支借謂如京東第二將人兵係京南殺

州計地里之類詔依修定例條施行宣和三年正月二十九

日詔河北軍馬與陝西河東更戍非元豐法所有宣和

二年九月二十一日更戍指揮可更不施行應施後及

趕隊不上目為避罪東西人並與免罪依舊收管仍免

本營問當宣和二年九月二十一日指揮檢未獲六月十一日知婺

州楊應誠奏凡屯戍將兵須隸守臣使兵民之任歸一

則號令不二然後可以立事詔從之續有旨屯戍將兵

所隸自合遵依將官敕條所降隸守臣指揮更不施行

閏五月八日江浙淮南等路宣武使童貫奏睦賊討
平之後脅從叛亡之徒方始還業自非增屯戍兵鎮遏
無以潛消兇暴臣今措置已留戍兵共二萬五千五百
七十八日分於江南東路兩浙東西路州軍防托緣所
留東兵累經鬪戰暴露日久辛苦不易已令通理自到
本路捕賊日止計一年滿替便當出軍一次依平蠻故
事每月各別給錢三百文歲終給銀鞋錢一貫文其軍
並隸本路安撫司統轄訓練委自將副并逐州知通當
職常加撫存管責令依時閱教除專差防托外不管別
行差使從之江南東路留七千九百六十人內徽州一
守兩浙西路留九千六百人兩浙東路留八千六百一
二人衛安處三州各二十人溫台明三州各五百人餘

教在越四年正月二十四日提點制置譚楨奏據如嚴
州李邈申本州所管擒虎等一十指揮人兵自去正月
以後分屯前來戍守止理一年滿替便合回軍緣今年
歲首合行依條揀選年及七十歲將校合該放停六十
五歲將級六十歲長行合該減破請受竊慮多有托以
老病及願要減糧自在歸營損折元額欲乞權免揀選
從之三月二十一日臣僚言政和令出軍衣春限年
前十月十六日支十二月十五日以前發冬限三月二
十一日支五月十五日以前發在沿邊者支發各先二
十日蓋出戍軍先出給冬衣者為其離營已遠旋寄異
鄉使無衣裘之憂此良法美意也然冬衣之到多是八

九月之前天氣尚暄多是將綿衣典賣非理破賣洎至風雪之際例皆赤露伏望特降睿旨凡戍去處如冬衣已到未係冬月未得依散當廳置櫃封鎖收藏至十月上旬方得支俵庶幾兵級軍裝風雪之際得獲溫煖從之 欽宗靖康元年五月二日詔將來調發諸路防秋人兵令安撫鈐轄轉運司將諸州係將不係將合起之數各辦半年合支糧直易置輕貨押赴隨軍於屯泊處交割 十七日詔調發諸路係將不係將兵分屯河北河東京東等路防秋各以遠近立為到闕之期京西淮南江浙限七月十五日以前陝西湖廣福建限八月一日以前令逐路轉運司預備錢糧於經由州郡樁管

光堯皇帝建炎二年正月二十九日知越州翟汝文言
從自到任已來城郭空虛並無禁卒逐急於廂軍內揀
招不滿千人皆侏儒不及等尺伏見武經郎王政見押
回本路軍兵一千餘人還管下六州其人戍河北稍習
邊面乞盡屯駐在越州專委帥司合為一軍則兵勢稍
衆可以鎮壓一路貼伏姦宄從之 紹興三年五月十
八日提舉江南西路茶鹽公事趙伯瑜言洪州分寧武
寧兩縣歲趨茶課五百三十餘萬此縣去州六百里地
界湖北鄂岳潭州三路之間皆盜賊棲止之地民不敢
歸業安撫司雖差兵捉殺既退其賊復出望下帥司或
於岳飛下摘那有紀律兵將前去逐縣屯駐彈壓詔令

本路帥司選差官兵一千人委有材武統領官統率於
邵寧武寧可以相照應去處駐劄彈壓 二十五日參
知政事同都督江淮荆浙諸軍事孟庾淮南東西路宣
撫使韓世忠言得旨大金國已約和議相度將已差往
泗州解元杜琳人馬且在盱眙下寨量差官兵往泗州
屯戍不得侵犯偽齊地分其餘人馬仰孟庾韓世忠同
相度屯泊去處聞奏今欲差路分都監劉綱帶領本頭
項并宣撫司貽差共五百人於泗州屯泊外將解元杜
琳兩軍人馬移於楊州駐劄其宣撫司并自餘人馬並
於鎮江府安泊庶得夾江對岸易為照應詔解元杜琳
兩項軍馬內留二千人於泗州駐劄其餘軍馬斟量分

撥於承楚揚州屯駐 七月二十二日樞密院言得旨
選差統兵官帶領官兵前去廣州駐劄彈壓盜賊契勘
江西見有岳飛一軍二萬餘人理宜就便差撥詔令岳
飛就便差官兵三千人并家小前去廣州屯戍候及一
年各與轉一官資仰精選可以委任統領官具姓名奏
差發遣 六年六月二十五日翰林學士朱震言願詔
樞密院令於潮州安泊一軍以斷賊路今韶州已有韓
京一軍度賊度嶺欲寇南雄英韶等州則有所畏憚如
別置一軍屯于潮州姦盜之心息於冥冥之間不待剪
鋤心知其不可為矣從之 十年十月十七日川陝宣
撫使司言嘉州管禁軍三指揮元額共一千一百八十

人除差徭別州軍守戍外在州常不滿四百人遇有蠻
賊闕人捍禦乞椿留在州以備使喚所有嘉州舊額合
差徭外州軍守戍人兵數目乞令鈐轄司於近裏不係
邊州均差應副從之 二十四年七月九日領殿前都
指揮使職事楊存中言乞差本司統領官杜伯通將帶
官兵前去贛州屯戍上因昨贛州軍賊竊發之初外連
百姓率多響應今留兵屯駐庶得消弭 二十六年七
月八日左武大夫伏深言四川州郡駐泊東軍皆係宣
和間差發前來戍守緣兵火各無所歸今來邊事寧息
灼見諸州軍盡將年老或殘疾之人並行揀放無所仰
食徃徃至於乞丐甚可憐憫殊失朝廷撫養士卒之意

乞下四川制置司將應出戍東軍免行揀汰如年老實有殘疾不堪執役之人支破半分衣糧至身故日止仍將已揀放人拘收依此存恤詔令四川制置司行下應駐泊東軍去處措置存恤無致失所 二十七年六月十九日戶部侍郎王師心言乞差兵三千人屯戍荆南府上曰此事亦有利害若荆南財力有餘自可招兵況兵火之後民力不易令增二三千屯戍豈無科擾舊差一千人在彼足矣但半年一替往來勞勩今後令每歲一替 二十八年正月二十二日詔令池州駐劄御前都統制岳超差撥一千人赴江西帥司分布駐劄仍每歲一替從本路帥司請也二十九年三月二十七日詔

新差充荆湖北路副總管鼎州駐劄兼權知鼎州陳敏
令將帶所管泉州左翼軍官兵二千前去本州屯駐彈
壓 五月四日詔訪聞江州瑞昌興國軍界時有盜賊
作過可令楊存中選差統制官一員將帶官兵一千人
前去江州駐劄彈壓今後三衛差人輪戍一年一替其
七月三日殿前司言今差統制官孟珪統押官兵一千
四十二人前去江州屯駐彈壓盜賊劫掠官兵內逐時
有逃亡事故之人欲令孟珪招收少壯依不司利充
外月外提吐渾雄威填關依見招人劉文政請給合用
錢糧令轉運司應副從之 閏六月二日知荆南府劉

錡言本路所管屯駐官兵不多闕人彈壓盜賊欲量行
添差官兵詔令馬軍司選差官兵一千人馬二百騎衣
甲器械金赴荆南屯駐合支錢糧草料令戶部依例科

撥支降起發犒設照例倍支 三十年五月十三日詔
馬軍司差撥三千人前去江州駐劄彈壓盜賊 十四
日殿前司差撥三千人前去江州駐劄 三十一年四
月二十四日樞密院言太平州駐劄馬軍司統制陳敏
稱先收到南劍州等處寄招軍兵虞免等一百九十三
人批放月糧口食米折麥錢外有日支食錢望先次放
行候本軍有闕日正行撥填勘會陳敏太平州屯駐即
與諸處額外先次收管支破請收使人心大同從之
紹興三十二年六月十三日 壽皇聖帝即位未改元 赦勘會諸
軍出暴露官兵已降指揮各與推恩至今尚未有申奏
去處致礙定賞仰主帥遵依已降指揮疾速一併開具

保明聞奏

孝宗隆興元年三月二十四日都督江淮

軍馬張浚言諸軍官兵自去年差出兩淮屯戍已是日
久乞於殿前司差撥軍馬一萬人步軍司五千人起發
前來鎮江府分發前去淮上抵替三衙并江上諸軍歸
寨休息從之 四月一日詔令淮東西湖廣總領所將

鎮江建康江州鄂州荆南等處見今差出屯戍官兵在
寨老小的實數目依例支給犒設使臣一貫文軍兵七

百文仍於屯駐去處出榜曉諭

以中書門下省言行在
三衙差出官兵在寨老

小已行犒設在外諸軍理
宜一體存恤故有是命

十七日詔令四川總領所

將諸軍昨差出德順屯戍官兵在寨老小當時的實數
目依三衙等處差出官兵例支給犒設仍出榜曉諭中從

書門下
省請也

卷八十三

二年正月五日詔湖廣江西京西路總領所

取見荆鄂逐軍兩等最低小請受軍兵的實入隊不入

隊有家累人數依行在三衙差出軍兵體例即便添破

施行仍自今降指揮日為始以湖北荆西路制置使虞

受微薄在寨老小兩處三月十六日宰執進呈殿前

司狀遊奕軍統制王公述選鋒軍統制宋受兩軍隨成

閩出成襄漢至今將及三年去行在三千里鞋脚衣裝

盡皆破損乞移江淮屯駐使近取送衣裝不致逃竄上

曰淮上自有兵便降指揮歸行本軍休息入金字牌發

去令主兵官沿路存恤士卒照管鞍馬器械繼而詔三

衙軍兵可便降指揮皆令歸司建康鎮江大軍更番出

成 乾道元年正月十二日主管侍衛步軍司公事郭
振言得旨殿前司出戍官兵先次班師馬步軍司節次
起發歆於本司諸軍人內共存留一千人在六合縣看
守營寨一季一次更替歸司休息從之 五月七日主
管殿前司公事王琪言本司昨差右軍統制員琦將帶
官兵七百人往真州戍守日久未曾休息欲於本軍在
寨官兵內依元數差撥仍差將官一員部押前去交替
歸司從之 十一月十九日執政進呈知盱眙軍胡堅
常乞免白直人一次交替上曰戍軍皆合更番既家口
不曾自隨未必軍人之意願留此法難改 二十六日
主管建康府駐劄御前諸軍都統制職事劉源奏淮西

都巡下官兵亦乞半年一替上曰既依舊是它部曲令半年更番 十二月二十日宰執進呈淮東帥司等處申六合逃走官兵上曰如何有此項人洪适等奏曰郭振先屯六合自人馬回司留千以下人看管營寨此項人亦好追回上曰然六合不須差人得矣 二十五日宰執進呈四川宣撫使領御前諸軍都統制職事吳玠乞移屯興州等處軍馬上曰如何兩下皆移莫有勞擾洪适等奏曰吳玠等乞移屯軍馬各以平時親兵要得自隨以為腹心矣從之 二年正月二十三日宰執進呈淮東西諸州出戍屯田軍兵人數淮東四千八百餘人淮西一萬九百餘人上曰秦滁州各五百人和州

二千人並令發回元處廬州一千人可發回一半餘依

舊存留 二月六日詔真州出戍官兵三百人可令追

回不須差替

以王琪言乞今郭振差人抵替回司故有是命

三月十二日宰

執進呈戶部員外郎江西京西北總領司馬倬奏襄

陽屯駐荆南軍馬艱於漕運乞以三分為率分番留一

分屯駐上曰分番良便然只可分作兩番迭等奏防日

日自合依舊上曰可七月八日詔令知泉州韓仲通於

本州駐劄左翼軍官兵內揀選強壯二千人將帶衣甲

器械差統領官李彥椿部押日下起發前來江陰軍許

浦一帶擺泊彈壓海賊其借請等並依昨出戍體例

十一月七日詔殿前馬步軍司昨各差三千人出戍江

州令苗定發遣殿前司三千人馬步軍司各二千人仍
令逐司各差統領一員前去取押分定月日資次起發
沿路不得擁併 三年正月十日宰執葉顥等奏今雖
和好少定然邊備不可一日弛如江州萬五千人為上
流聲援昨得旨令春暖抽回臣等所未諭上曰今只發
皇甫倜并江州續募人令來鎮江其餘三司人並依舊
留江州亦可為聲援 三月二十九日主管侍衛步軍
司公事郭振言本司所取江州二千三百一人已承指
揮且令至鎮江府今乞將上件官兵就便發往六合縣
屯駐外於本司諸軍吏差官兵二千人令通領官劉福
同將官五員將帶着脚鞍馬部押前去六合縣屯駐並

依本司昨來差往屯戍官兵體例一年一次交替從之
十一月十一日主管殿前司公事王琪言本司揚州見
存留住官兵二十人統領官一員先自閏七月起發前
去到彼修築城壁委是辛苦勞役今來未有替期乞於
本司諸軍在寨人內摘差官兵二十人內將官四員并
部轄統領官一員於來年正月內起發前去揚州抵替
歸司從之 四年三月十日知潮州會造言郡界閩廣
兩路之間東抵漳西抵惠兩郡相去雖十數程剽竊之
害目今尚未寧欲於漳州管下地名雲霄漳溪之間惠
州管下地名鳳湖南山嶺烏龜徑置巡檢官兵三五十
人差將官一員屯駐季一更之可以為保伍之援巡警

盜賊從之 九月十五日主管侍衛步軍司公事王琪言本司有出戍六合三千人兵至今半載有餘欲放本司諸軍差撥官兵二十人將帶隨身器甲差將官二員部押前去六合屯駐交替先差出人歸司休息今後乞半年一次交替從之 十六日詔馬軍司差撥官兵一千人前去和州燒造磚灰等使喚每及一季差人交替十一月六日四川宣撫使虞允文言荆襄遠面濶遠合行遞僭軍馬互相照應已措置將郭謙所管近裏劍州等處官兵共二千六百三十八人同老少移那前去金州屯駐仍於興元府別行遞僭兩將軍馬同老少前去洋州屯泊緩急應援金州使喚外所有郭謙等先差

馬軍二千五百人見在郢州任天錫馬軍五百人見在
荆南出戍照得吳拱先帶軍馬三十二百人同老小前
去襄陽府屯駐後來依數招填欲乞將荆南郢州出戍
軍馬家小下總領所差撥舟舡津發前去就糧屯駐庶
幾老小團聚安帖防托荆襄邊面從之 二十六日詔
今後殿前司鎮江都統司差往揚州看守城壁官兵並
一年一替 五年十一月二十一日詔昨差撥鎮江府
駐劄御前右軍官兵三千餘人并馬前去高郵軍屯戍
可正撥隸武鋒軍 六年正月二十七日殿前司言已
降指揮今後殿前司鎮江都統司差往揚州看守城壁
官兵並一年一替續准揚州安撫莫濛中上件官兵合

在正月間交替竊緣正月正是春寒之時軍馬道塗不無暴露又以江口兩處湖閘釘閉未開日後出戍官兵那候潮水登應開閘之時起發朝廷已依所申施行本司今年合差撥前軍人馬前去揚州更替遊弈軍官兵歸司欲候三月初間擇日起發從之 四月二十五日詔令殿前司於選鋒軍官兵內差撥三百人策選鋒軍差二百人馬軍司中軍差三百人步軍司中軍差二百人建康府都統司差五百人應副舟舡津發差人管押同家小發赴江州王明軍收管使喚並要全隊強壯入隊之人不得以老弱不堪披帶人充數內三衛人令戶部建康府人令總領所依出戍人例支給借請起發犒

設 五月二十五日詔楚州建屯成殿前司護聖步軍官兵盡發遣歸司 六月十三日馬軍司言修築和州城壁今已畢工所有工役官兵將及一季合行發遣歸司今欲差本司左軍官兵三千人馬五十疋起發去和州詔依仍一年一替 九月八日詔令殿前司差撥遊奕軍全軍人馬前去高郵軍出戍聽陳敏節制其忠銳軍見管寄招軍兵令遊奕軍統制官一就統押前去七年正月五日荆南駐劄御前諸軍都統制秦琪言荆南軍馬出戍襄陽元降指揮許令三月一次更休前後主帥議論不一却作一月一次更替到家未定又復奔走欲將見在襄陽七軍官兵及戰馬乞自乾道六年正

月為始遇春夏全留三軍在襄陽照管邊面其餘四軍發回荆南休息秋冬却發四軍前來襄陽更替先留下三軍歸本寨如遇緩急則盡數勾抽前來襄陽使喚庶幾軍士知有室家之樂所有單身無家累官兵徒走道路欲將單身官兵免差前去更替從之 二十一日廣南西路經畧安撫李浩言昨於荆南差撥大軍五百人前來本路更戍彈壓盜賊續降指揮為廣西盜賊已息令廣西帥司自行招募親兵五百人所有荆南差到官兵五百人已發遣前去訖見所招効用總及二百人雖多方招募而應者絕少乞於屯戍大軍差撥三百人選委有材畧請曉戍事統領官一員前來本府駐劄聽從

本司節制使喚詔令摧鋒軍於韶州在寨人內差撥二百人餘一百人令帥司措置招收 二十七日興州駐劄御前諸軍都統制負琪言昨准指揮差發官兵三千人前去荆南出戍一年一替其所差人已及一年若更差三千人去去即是六千人往來盤費似見未便今欲將已差在荆南三千人於內取問願在荆南屯戍人存留一千人津發老小前去本處永遠屯駐餘二千人發回如其間願存留之人不及一千人之數據餘少人於所部諸軍取問願去人湊成一千人差撥前去補數其一千人闕却令諸軍招填從之 二月十七日詔令湖南安撫司招募軍兵一千人發往鄂州駐劄御前諸軍

使喚却令本軍差撥慣熟軍兵一千人前往柳州桂陽

軍屯戍防托盜賊

以知潭州元介言本路柳州桂陽軍昨因李金作過之後蒙朝廷調發鄂

州大軍一千人分戍二郡緣令單戍一年緣令未戍期將畢欲令依舊更戍故有是命二十

一日宰執進呈主管殿前司公事王琪乞更替遊奕軍

出戍高郵軍人上問降指揮虞允文奏曰止令出戍不

曾立限更替上曰總及半年且未須理會三月四日

詔令馬軍司於三月中旬內將官兵連老小逐旋津發

前去建康府與出戍官兵一處居住其後十月三日

臣僚言伏覩關報馬軍司中軍已擇十月二十日起發

今四軍久在建業而主帥尚留輦下事體未便伏望申

諭樞機之臣俾鑄諭主帥誠飾裨將令以是半月之頃

一切計置起發并指揮江東帥臣總領視其營寨補其
疎漏詔劄下李顯忠并江東帥漕臣總領依此施行
六月二十一日荆南駐劄御前諸軍都統制秦琪等言
得旨荆南七軍官兵自乾道六年為始遇春夏全留三
軍在襄陽秋冬却發四軍前來襄陽更替今來所差四
軍一千人却令荆南腹裏州軍屯駐到襄陽四百五十
里竊慮緩急有警不能接濟望移屯襄陽照應邊面從
之 七月十四日軍執進呈福建安撫司申明起發土
兵虞久文等奏曰今春隄備海道令福建先期起發土
兵比有到明州者却得指揮發回今陳俊卿申審合與
不合再行起發明州防托恐不可無人上曰福建每歲

起若干人梁克家奏曰福建浙東各千人止曰除福州興化發回四百人外餘依年例起發八月十一日宰執進呈御筆處分遊奕軍出戍人歸司允文奏曰浙西湖南募到二千餘人乞均撥殿前諸軍却依處分每軍摘一將湊三千人戍高郵俟來歲募人足額再起三千人上曰甚好先降指揮均撥募到人仍令遊奕軍歸司餘續次施行九月十二日總領湖廣江西京西財賦呂游問言鄂州都統司差撥官兵一百三十九人前去江州措置收捕盜賊一季一替而近年以來江湖間有羣盜其都統司所差巡江官兵元無捉到人數詔令鄂州都統司拘收所差官兵歸軍教閱專委安撫提刑司

嚴責巡尉多方巡捕如遇有盜賊須管捉獲 十七日

呂將問言得旨將諸屯人馬斟酌緊慢抽回教閱今鄂
州軍差出見屯德安府欲留一千人鄂州欲留三千人
隨州欲留五百人常德府欲留二百人信陽軍三百人
棗陽縣六十五人漢陽軍馬監九百六十人應城縣孳
生馬監二百二十七人欲並存留潭州九百九十二人
復州一百人應城縣四百九十五人武昌縣五十人漢
陽軍四人永興縣八人欲並抽回荆南軍差出襄陽一
萬五千五百七十二人均州一百人光化軍一百九十
八一欲並存留江州差出光化軍欲留三百人黃州欲
留五百人大冶縣欲留三十人麻城縣五十一人欲抽

回棗陽縣人並抽回却於隨州存留人內每季輪差五十人於本縣屯戍漢陽應城縣兩監養馬人發回本軍八隊教閱却於本軍減半請給人內對數摘差赴逐監使喚仍令將帶老小前去一處居住黃州并大冶縣人並盡數抽回歸軍令安撫司於係將不係將人內差撥三千人赴大冶縣餘從之十一月十九日鄂州駐劄御前諸軍都統制韓彥直言近准指揮令於揀下隊外無窠名軍効內揀慣熟稍壯健一千人發赴湖南元出戍州軍屯駐將上項人揀選止有軍兵一千八百五人擇出一千人緣苦無大段壯健詔令韓彥直於內揀選筋力未衰壯健堪使喚五百人前去餘五百人令湖南

帥司疾速措置招填 二十一日權發遣隆興府龔茂
良言江州興國軍接連淮甸江東湖北每歲常有茶客
百十爲羣前來今歲大旱茶芽不發皆積壓在箇戶等
處人家住泊竊慮此曹乘時荒歉聚集作過乞下江州
都統司輪差官兵一二百人前去屯駐彈壓候來年秋
熟日依舊歸軍詔令龔茂良斟酌合差人數於本路州
軍係將不係將禁軍內差撥施行 二十三日權發遣
常德府劉邦翰言本府素爲茶寇出沒之地今歲湖南
北旱傷持杖劫掠者日多望下鄂州都統司差撥五百
人赴府出戍詔令湖北安撫司斟量合差人數於本路
州係將不係將禁軍內差撥 八年三月十一日知常

德府樓國南言昨鄂州都統制司撥到官兵五百人前來本府屯戍聽候守臣節制續鄂州都統制司發回二百人正差三百人屯戍一年一替後來沅州管下徭賊楊再彤等作過遂於鄂州調發往復三千餘里乞依舊令本路於係將內差撥五百人聽守臣節制從之 九年二月二十八日樞密院承旨權知荆南葉衡言荆南馬軍并老小已得旨移屯襄陽竊緣荆南係自來屯駐軍馬家計止是逐年上下番更戍出襄陽況襄陽去處尤近止可分屯軍馬即非存養老小去處望只令依年例上下半年出襄陽更戍老小存留荆南誠為利便從之 五月十八日詔江州駐劄御前諸軍都統制各差

撥官兵五十人於黃州麻城縣興國軍大冶縣屯戍
六月十一日御前諸軍都統制郭剛言廬州城壁每年
差撥一軍五千人屯守葺治內除馬步軍并入隊人趁
赴教閱外實入役者總及千餘人住行差撥欲止於諸
軍共差一千人委有心力統領官一員部押前去廬州
專一修治未備城池每及一年差人交替從之 九月
二十一日汀州言本州下苦竹兩寨係輪差在州禁軍
一百五十人前去半年或一年一替見抽回教閱欲於
三溪巡鹽兩寨逐寨各抽撥二十五人明溪寨欲抽差
五十人共一百人永為額數連老小前去苦竹兩寨抵
替逐寨禁軍歸州教閱從之

屯戍下

淳熙二年五月二十七

日詔潼川府及綿州所屯將兵內各輪差三百人作兩番分上下半年更替於黎州屯戍從宣撫使沈夏請也

十月十六日四川制置使范成大言更就綿州潼川兩處屯駐西兵內各選差一百人從之 十月十二日

宰執進呈知常德府張瑄申辰州守臣尹機乞差撥大軍屯戍今相度欲於靖州見屯官軍二百人內分一百人在辰州屯駐使逐州各有官軍兵勢相接可以應援上曰如此措置甚好可依此施行 三年七月八日詔

荆鄂統制明椿候徭人平定了日權留官兵四百人將官一員在靖州屯戍彈壓至來春申取朝廷指揮次年二月四日詔辰州戍兵一百人依舊外令明椿差撥官

兵二百人戍靖州更差一百人戍沅州並依例一年一

替其存留四百人拘收歸軍

以湖北提刑司請故有是命

四年七

月十四日金州都統李思齊言房州竹山縣見屯軍馬

緣水土重惡多成瘵疾暗消軍額乞移洋州屯駐其合

用錢糧令兩浙應副從之

十六日四川總領李兼言

被旨同都統制相度將金州階成等郡增戍兵稍移於沿流就糧或近裏屯戍少損和糴之額今乞將黑谷軍馬依舊移在西和州屯駐所有黑谷亦不可闕人防守欲將西和州每年合差更戍官兵一千六十一人於數內取步軍五百人出戍黑谷依例交替餘五百六十一人馬二百匹並行裁減逐年更不差撥一歲之內已省

卷之三

添支口食米五千餘石從之 九月十四日詔興州駐

劄御前諸軍所管馬步軍六萬人作前右中左後踏白

摧鋒選鋒策選鋒遊奕馬為名每軍計六千人差統制

官一員統領官一員每將差正副準備將各一員以都

吳楚言所管前右中左後選鋒六軍共四十七將額管

馬步軍六萬人錄就糧在十一州軍并管下縣鎮等一

千餘里共二二七處屯遣使致有出戌去處在外周回二

相連接每有先行移屯還回經得軍將分析地理遠近不

應報乞將所管軍將就近撥併軍次稱呼故有是命得

五年八月三日鎮江武鋒軍都統兼知揚州郭杲言

已降指揮將楚州七戌武鋒軍左右兩軍官兵老小移

戍揚州西城慮恐楚州闕人彈壓已差鎮江前軍人馬

揚州看守城壁人前去楚州屯戍又緣楚州係極邊乞

於鎮江諸軍并武鋒軍摘差馬步軍前去楚州更替前
軍人馬歸司其分差高郵軍看守城壁盱眙軍巡檢下
防托人若依舊於屯戍人內摘差却恐隊伍散漫紀律
失敘欲於諸軍別行差撥前去並乞依例半年一替從
之 七日荆鄂副都統岳建壽言荆南諸軍依已降指
揮分番荆襄更休出戍今來防秋之際守戍襄陽邊面
人數不多其差出均州光化軍沅靖州荆南管下大江
巡邏盜賊松滋縣西平市把截屯戍人兵共九百七十
人合與不合依鄂州軍例拘收歸軍赴赴教閱詔除均
州光化軍屯戍四百人存留外其沅州等處五百七十
人依鄂州體例限一月拘收歸軍赴赴教閱 六年六

月十一日詔湖南帥臣王佐等揀選精兵一千人彈壓
郴桂二州內五百人屯駐黃沙寨二百人屯駐宜章縣
三百人屯駐臨武縣一年一替 七年十一月十六日
詔六合防守城壁差統領官一員自今每年輪差遇更
替日照檢城壁樓櫓等有無損動交割申本司備甲樞
密院先是詔更戍官兵其統轄兵官更不交替至是
岳建壽言所差統領官一員在彼別無經畫事務
若久在外廢弛職八年十一月二十四日富順監王

种言制置司揀摘綿漢邛蜀彭眉隆簡等州禁軍共一
千人就城都府團結教閱名曰雄邊軍欲代西兵然聚
於成都而邊城無兵更替欲將上件雄邊軍分差邊城
守戍詔從之仍令四川制置司將成都府禁軍闕額日

下招填數足抵替見屯雄邊軍 九年正月五日詔自

今屯駐兵官如係橫行以上大軍統制官即專聽帥臣

節制所至州郡與守臣同共措置如係統領官以下非

橫行即依元降指揮聽守臣調發 從知潭州李椿請也

二月一日詔興元府屯駐中軍見管一萬二千一百

六十一人內將三將共管四千三百人排作右軍令右

軍統兵官前來主管却將閬州潼川府大安軍一帶屯

駐左右後三軍通管八千六百二十人併作左後兩軍

今見在閬州左後軍統兵官主管各從見今將分去處

屯駐更不移動 以都統制彭杲言得旨每軍各差統制

領官五軍員數緣各管軍馬人數多寡不同本司除前

百六十一人其左右後軍三軍通管八千六百六十人以此較之繁簡不約故有是命六日詔

兩淮出戍兵令一年一替從淮東漕臣錢冲之請也尋又詔於每年

正月內交替 九月二十日詔殿前司於許浦差將官

一員撥水軍三百人就江陰軍控扼去處置寨屯戍專

一巡捕彈壓盜賊從浙西提舉張杓請也十一年四月六日詔

興元府義勝軍皆係歸正之人忠勇可用其馬步軍共

約五百餘家近於二月一日本將遺火屋宇被焚雖別

行蓋造終是草創可令改隸荆鄂仰郭杲同牛僕於襄

陽府踏逐空閑寨屋伺候今秋移戍 樞密院言勘會

興元府都統司義勝軍近因遺火沿燒寨屋雖已起蓋

尚慮草創已令襄陽府踏逐見成營舍候至秋涼同家

屬移戍所有蕭幹里刺等四十餘人見在金州都統司
緣係一體忠義遠來之人切慮親故欲得團聚詔蕭幹
里刺等候義勝軍今秋經過金州曰同家屬一就起發
移戍襄陽仍仰總領所都統司優支犒設路費其寨屋
委郭杲牛僕先次措置 紹熙元年正月十四日權知
漳州傅伯壽言左翼水軍五百餘人皆屯于泉州乞移
撥五七十人於漳州駐劄以防海道詔可於泉州左翼
軍差撥水軍五十人并舡一隻分劈口券及老小前去
漳州替換步軍五十人回軍 慶元元年正月十九日
殿前司言鎮江都統司屯駐與揚州止隔一水本司去
揚州僅數百里即與鎮江軍附近差人事體不同紹熙

三年內條畫差千人戍守揚州蒙朝廷指揮許依步司
出戍六合人例分劈口券添破錢米支給犒設借請等
今乞朝廷檢照施行從之 二月十一日興州都統制
張韶言乞量帶隨馬牙兵先往關外點視屯戍軍馬詔
依令張韶更切相度檢照舊例如見得不致張皇引事
即照應紹熙五年七月二十七日指揮點視軍馬拊循
士卒務要安靜量帶官兵前去約束不得憑藉騷擾
八月九日戶部侍郎袁說友等言左藏庫每歲春冬支
散諸軍綿絹又有支散外軍一項係鎮江建康屯駐大
軍及建康馬軍許浦水軍共約計二十萬餘匹並前來
赴往在支請竊聞四處屯駐大軍月請錢糧等阮係各

路總領所科撥到上供錢米何獨於春冬衣絹不照江
鄂諸軍例就總領所支散乞割付各處都統司同總領
所相度今來所陳如委於軍中為便即行具申然後本
部照江鄂諸軍例將比近屯駐州軍每年各催到紬絹
等照春秋支散實數科撥下總領所徑行拘催給散從
之 十二月三日宰執進呈臣僚劄子論大軍屯江南
不如屯江北形勢利害京鏜奏云自講和有誓約彼此
臨邊不許屯兵所以只是分兵出戍上曰天時若至卻
不問此况師直為壯曲為老若臨邊屯兵則我先背約
為曲矣 十三日詔楚州守臣更不兼帶統轄屯戍軍
馬其楚州戍兵責在統兵官常切約束務要遵守紀律

仍訓習事藝毋致生疎或與百姓相侵陳訴事理即照

應乾道二年四月十五日條法施行

以樞密院言戍兵既有統制部押其

守臣又帶統轄號令不一士聽不專故有是命詔

開禧元年十二月二日准

東安撫司言照對天長縣出戍殿前司官兵共一千九百三十七人見係殿前司統制官馬梓管轄本司近因拘回殿司出戍盱眙軍官兵遂申明朝廷畫降指揮於鎮江府都統司撥差軍兵二千八百八十七人并差統領官薛恭管押前去天長同殿司軍兵守戍今係兩司軍人在彼竊慮互分彼此恣生喧闕乞將兩司軍兵悉聽殿前司統制官馮梓管轄遇有修築城壁等役均平差撥務要人情和協其修城應用物料之屬並於殿司

支破仍令各司所差主兵官常切鈐束軍校不得互相
作鬧有壞軍律從之 二年四月十八日鎮江都統兼
知揚州淮東安撫使郭倪言淮東邊面闊遠目今出戍
軍馬分布不敷已恭承指揮處分差發等事乞於殿前
司通見出戍人共轆差精銳壯健正帶甲二萬人準備
帶甲火頭傭兵在庶幾可以分布使喚如遇緩急足可
抵敵詔令郭杲王處久疾速揀選精銳官兵內殿前司
五千入步軍司二十人并有智勇統制統領部押前去
並聽郭倪節制合用軍器衣甲等並要足備所有起發
犒設正帶甲每名四貫不入隊每名三貫令戶部以會
子支付逐司給散起發 嘉定五年八月二十五日知

興元府利路安撫使四川制置大使安丙言夔路黔州
接境思州係夷族世襲近緣田氏互爭承襲於黔州省
地紛擾本州兵額絕少備禦單弱夷蠻無所畏忌以致
殺傷省民又潼川路敘州係通放夷蠻互市之地漢蕃
雜揉全藉近上兵官彈壓又利州路天水軍係新朔州
郡密迩對境所管關堡比其他邊郡尤為緊切雖有出
戍統兵將佐守禦例皆半年一更各懷去替之心合將
內郡閑慢近上兵官遷於三州屯駐置司作聲援以警
戎心於官私別無侵損竊見夔路所管兵馬都監一員
在重慶府駐劄係是內郡又有提刑在彼置司兵馬郡
監絕無職事乞令移司黔州仍從重慶府分割禁兵一

百名前去以鎮夷族成都府等路第三副將一員榮州
駐劄近乞將榮州所屯第三副將并禁兵移屯嘉定府
管下之犍為已準樞密院從中移屯緣嘉定府係屬成
都府路榮州係屬潼州府路竊慮分擘支移請給恐有
未便欲將榮州第三副將移於本路敘州駐劄專一彈
壓漢蕃互市庶使有以和畏亦不失與嘉定為輔車之
勢其榮州第三副將下禁兵於內量移五十人前去敘
州屯駐利州路兵馬都監一員見在隆慶府管下劔門
關駐劄本處已有駐泊及兵馬都監二員又有劔門縣
專一幹當關事兼御前從軍屯駐前有昭化縣後有隆
慶府相去不遠實非衝要所有上件本路兵馬都監欲

遷於天水軍管下湫池堡駐劄量帶本關駐泊司禁兵五十名前去兼天水軍近申獲樞密院指揮招填把邊將軍兵共一百餘人雖隸天水知縣管轄又教閱不專因而廢弛乞令湫池堡駐劄兵馬都監兼管把邊將兵依時用心教閱照應邊面實為經久利便所有官兵合得月糧請給仍就元置司州郡支移前去支給從之

七年九月十七日樞密院言真州六合縣昨來招到淮效一千人見管計七百三十一人並隸步軍司關額人數今來竊慮統屬不專緩急不堪特用詔令步軍司將見在淮效人數改充真州六合縣守禦兵效稱呼仍舊理作本司關額令真州守臣節制知縣彈壓權令霍儀

專一統轄訓練緩急差撥守禦所有見管淮效仰知縣
劉昌詩同統制霍儀日下措置逐一從公點揀彊壯老
疾的實人數申取朝廷指揮別議增招 十八日侍衛
步軍司言六合縣城坐落兩淮之中地形平坦最為衝
要設有不測要得騎軍追奔馳逐巡連應用今相度欲
除已差步軍二十人外別於殿右兩軍通行差撥精銳
馬軍二百人騎并火頭像兵六十人更差將官一員部
押將帶椿辦器甲軍須同已差更戍人兵並令統領劉
公輔一就部押起發前去六合戍守以備緩急庶免倉
卒誤事所有差去人馬乞下所屬並照出戍例分擘請
給添破錢米支給借請起發犒設施行詔令步軍司行

下部轄兵將官密切起發前去仍戒約在路無或騷擾
候到並令霍儀總轄仍專聽真州守臣節制知縣彈壓
所有合用錢糧草料令淮東總領所疾速照例支給應
副食用毋致闕誤先具知稟并起發日時申樞密院

十月一日復請於前右軍更行選差馬軍一百人騎以
馬數稀少緩急分布不敷故也

十年二月四日詔無為軍巢縣戍兵聽本軍節制仍與
御內帶行

從知軍薛伯虎之請也

四月十八日淮東

安撫司言六合縣係步司地分西接滁濠北連天長亦
是衝要之地契勘本縣見管戍兵二千餘人設遇緣急
委是兵力單弱分布不敷乞下步軍司先次具差官兵
三千人湊見戍作五十人以備守禦仍帶衣甲軍器隨

行以備不測使與詔令步軍司於後軍精選官兵二千五百人內馬軍二百人騎令統制徐端并統領將佐等人密切統押起發前去六合縣同見戍人馬專備戰禦

同日淮東安撫司言天長縣係殿司地分與真揚州盱眙地界至相連屬係是衝要之地又有初築關城亦合用兵屯守以備不慮照得本縣元有殿前司戍兵三千八百餘人馬五百餘疋近統制侯忠信將帶官兵一千三百餘人馬二百疋移戍盱眙軍目今本縣止管官兵二千五百餘人馬三百疋委是人馬數少緩急分布不敷乞下殿前司且增差官軍二千五百人湊見戍通作五千人以備守禦仍帶衣甲軍器隨行以便不測使

喚詔令殿前司於選鋒軍精選官兵二千五百人內馬軍二百人騎令統制霍儀并統領將佐等人家切統押起發前去天長縣同見戍人馬車備戰樂仍並聽肝貽軍守臣節制天長知縣彈壓仍令霍儀通行總轄差使限兩日起發其添支鹽菜錢未起發盤纏錢仍聞報所屬疾速照例幫支毋令遲誤更切戒約兵將官用心部轄務要整肅合行事件限一日條具保明三省樞密院九月十一日肝貽軍屯駐鎮江都統劉倬言竊見肝貽新壘屹然山巔下視泗州動息畢見一望彼界百里坦平是我先得要害之地若措置得宜孰敢侵犯今泗之東西兩城屯兵不滿三千我據險阻而屯反令衆宿

灘宿巷暴露經時士卒良苦是我之兵日夜不得休息而彼泰然自處貽笑於敵非良策也宜備要害察彼已審虛實少加通變庶幾備禦兩全今斟量減戍誠可省總計寬民力養全師之銳氣以俟大舉今欲於盱眙山城見屯守把及捍禦人內共減三千人外有天長六合連營相屬數舍相望亦欲各減千兵共計減去戍兵五千乞行下殿步司照應施行從之十三年五月十三日樞密院言殿前司昨差發官兵前去揚州并天長縣戍守捍禦已及二年詔令殿前司日下於策選鋒軍揀選步軍二千人馬軍二百人騎令本軍統領官常思訓部押前去天長縣屯戍就令統制王明在縣統轄捍禦

聽天長知縣彈壓仍於遊奕軍揀選步軍五百人令本
軍統領官唐喜部押前去揚州戍守及看管防城器具
軍器什物聽揚州守臣節制並要精擇彊壯勇悍官兵
不得以老弱怯懦之人充數其添支鹽菜錢米起發盤
纏錢令所屬疾速照例幫支毋令遲誤仍戒約兵將官
用心部轄在路及到彼務要整肅不得稍有騷擾候到
各處仰淮東提刑兼知揚州鄭損知天長縣張翼點覈
如內有老弱怯懦等人各隨即摘發回司揀換不許徇
情容留所有揚州天長縣高郵軍見戍殿前司官兵令
統制官王寧統領官鄧略候今來差撥人馬到日更替
歸司

全唐文

卷之四

一作修軍營

宋會要

直宗咸平五年七月遣使臣完葺京城軍營應諸州因霖雨壞營舍有軍出而家屬在營者賜緡錢時京師積潦自朱雀門東抵宣化門尤甚深至三四尺浸道路壞廬舍城南流水皆入惠民河河復漲溢詔遣使馳往河之上游有陂塘古河道處按視疏決六年六月初自望都失利帝日訪禦戎之策因防秋之始與將相極論其利害焉時議就定州為大陣既而慮北虜知之潛為姦計乃詔王超遣裨校於徐曹飽河別擇營棚之地以疑之八月以時雨稍頻命樞密都承旨曹璨與天武

捧日四廂都指揮使劉謙分往諸營同除水患令便宜
施行內有水勢稍深不可安處即令遷徙於近便園苑
及官舍內居止 景德三年七月十日帝宣諭曰河北
諸州振武軍士比遣以少就多團成指揮並令總管司
添補武衛如聞所在官司不能預備營舍軍士到日無
以安泊且逼冬寒復難工作可委逐處官吏依令辦集
以聞 八月詔諸州每有役徒赴京雖時與優給如聞
多闕營舍可遣使臣以京城就近指射係官屋宇令居
止 大中祥符元年三月增置東西班殿侍院一於彰
化橋北 三年五月大雨平地數尺以諸軍營壁圯壞
令內侍都知閻承翰與八作司官吏按視完葺 六年

財材之議

六月詔環州修城餘財令主者覆護之脩營舍自今年不得配率環州窮邊不產財木凡有所須即於地内科斫踰越山阻輦致甚艱故有是命 七年八月詔城門外軍營雖各有本營人負然闕人都提轄可差近上軍主或都虞候一員黥檢教閱因令巡警 天禧四年二月樞密使丁謂言昇州抽稅竹木官瓦甚多而營壘多葺茅為舍延燔所及難於救止望令本州接續增益從之 七月以連雨詔三司計度材木完葺營舍又令八作司併集工徒修建其軍士有無屋者配以空閑廨宇處之 五年正月命內藏庫使劉贊元等同共管勾修葺諸班院營舍 仁宗天聖四年十月西上閣門使

曹儀等言昨雨水損壞諸軍營房蒙差臣與江德明提
舉修蓋自六月二十五日用功起役至今都修舍屋牆
壁共十二萬九千一百餘間堵所役兵士頗涉辛苦欲
自十月二十日後住役所有八作司事材場各歸逐司
并內臣十人發歸兩省外有畸零修蓋乞令東西八作
司將本司兵士工匠一面修蓋其外處并在京抽差到
兵士等却遣赴逐處收管從之詔儀德明各賜對衣金
帶器幣八作使臣賜中金束帛內臣使臣軍負各賜緡
錢有差 慶曆六年六月二十四日詔在京坊郭軍營
并畿縣鑿井數百先是京師閔雨井汲多竭人有暍死
者帝聞之惻然遣中貴人及開封府屬官督作以濟民

用 至和元年六月十二日帝曰諸軍營房竊慮經此霖雨有摧塌欹側去處令三司速差人檢計漆修不得有妨兵士居止 二年十月九日詔近撥併剩負營房今為冬寒其未搬移者今權住候春暖其營房仍漸次添蓋人給一間 嘉祐二年七月十二日樞密院言令為霖雨倒塌軍營官私舍屋及有積水去處詔選差內臣大使臣三員前班大使臣三人忠佐三人計會東西八作司街道司分擘溝畎積水內忠佐即令提舉工役英宗治平元年六月二十二日知制誥錢公輔言伏見大雨之後營舍必有圯壞宜選能吏相視可修者修完樞密院勘會已下殿前馬步軍司令點檢諸營房倒

塌去處如五間已下即本營糞土錢修蓋六間以上即
申三司檢計修整從之 八月一日知諫院呂誨言訪
聞諸軍甚多屋舍倒塌乞朝廷差官計會修蓋詔選差
朝臣二人近上內臣二人將帶壕寨工匠計會殿前馬
步軍司詣諸班直及諸營點檢見在舍屋內有疎漏倒
塌合行修蓋者立便檢計工料 二年八月七日命三
司鹽鐵副使楊佐權三司度支副使李肅之景福殿使
石全彬入內押班張茂則都大提舉修葺在京諸班直
及不出軍營房內全彬肅之提舉東南壁茂則佐西北
壁又分命差朝臣大使臣共八員度功督役殿前司委
郝質馬步軍司委宋守約專切提舉修葺應有合行事

件仍與都大提舉修葺營房近遞相關報又命四廂都指揮使盧政步軍都虞候楊遂同其實守約提綱而已至四年二月二十二日奏工畢自提舉已下賞賚有差神宗熙寧八年閏四月二十一日修廢營六所充馬軍教場隸殿前馬軍司八月十六日詔在京剝貧營房差沈希顏專切管勾以營房迫隘疲老缺所依故也哲宗紹聖三年八月一日河東路經略司言吳堡寨在河之外東岸渡頭有倉草場酒稅務舟船等而無城堡可以保守渡口之東山勢高險下瞰黃河可以築壘壁置樓櫓儲峙糧草以為吳堡寨聲援就用見今監渡使臣主之為便從之四年閏二月四日樞密院言

向者熙河路築安西城日夜不輟工自今若復爾將為賊所乘詔陝西河東等路經略司及提點熙河蘭岷等路漢蕃弓箭手鍾傳如興役非事機交急毋得夜役兵

徽宗大觀二年七月一日御筆聞額禁軍久不招填其營房必久不修治在京仰工部在外仰提刑提舉司限兩季完葺了當政和元年十一月十日臣僚言訪聞西京自崇寧四年內初行招置皇城水南北三巡檢司土兵凡六百人共三營效忠指揮凡四百人一營未有營房各於街市賃屋居住混雜逋逃寇盜難以辨察部轄西點不得如律聞已那容修葺將欲了當兼訪聞諸路亦有似此創行招置至今營房未了者詔轉運提

刑司點檢督促所屬限一季須管那容修蓋了當四年十一月七日臣僚言伏覩兩浙廂軍營房多因霖雨摧塌致見管軍兵賃屋散居將校難為鈴束與逃軍雜居捕盜官無以辨認遇夜為寇部轄人無以知覺是致逃軍日甚盜賊滋多欲乞下本路立限修蓋須管足備庶得逃軍盜賊易為緝捉從之仍令所屬限半年修蓋了當宣和四年四月二十八日詔宋朝置禁旅於京師處則謹守衛出則捍邊境故擇諸爽塏列屯相望將校步騎馳走教閱分都置舍多寡往來各有區處以相保守其法甚嚴比來官司臣僚指射干請置局增第致吾禁旅暴露湫隘不安其居夫介冑之士所與共患難惟

二年上聖落
昭興二字

有以恤其私然後可使之竭力自今敢有如前指射者
以違制論 五年二月五日詔江淞被賊州縣軍兵營
房多有焚毀仰轉運司檢計興修其合用工料並官為
應副或有所闕聽以係省錢顧買不得因此搔擾如依
限了當特與推賞施慢減裂並仰轉運司劾奏 光堯
皇帝建炎四年六月十日詔神武前軍統制王玘軍兵
頗多暴露至於絮篠枝蒙破席而寢處雨不能免沾濡
暑無以芘烈日可賜錢三千緡為蓆屋之費 三年四
月二十七日詔韓世忠諸軍合用營寨蓆屋壹萬間每
間支錢四貫文建康府推貨務錢內支四萬貫文付世
忠令諸將搭蓋蓆屋以處人兵從江淮荆浙都督府請

也 四年二月四日神武中軍統制楊沂中言樞密張浚起發到馬軍一千人騎已降指揮令戶部支錢一萬貫令本軍收買蓆竹蓋屋二千間應副安泊外有武騎銳士良家子漢兒赤心軍并騾馬等乞下所屬支降錢一萬貫文蓋蓆屋二千間詔令戶部更支錢五千貫付本軍修蓋 七年九月十六日宰執言張俊營寨未辦乞與增支錢上因論財用皆出民力若如此之費不可已苟可已者須極愛惜張俊嘗奏軍中費却陛下無限錢糧朕即語之朕何嘗有一錢與卿皆百姓膏血也卿須知百姓膏血不可窮竭務與朝廷為一體則中興之功不難致矣 十月九日宰臣趙鼎言昨日遣人閱張

俊營寨云一半已了上曰朕昨日又遣人喻俊令撫勞諸軍本欲遣一內侍傳宣又恐卒伍輩見內侍至不無所覬望或謂空言不濟實用朕嘗聞楚子伐蕭師人多寒王巡三軍拊而勉之三軍之士皆如挾纊要是古之軍士知義與今人不同耳十六年七月十九日詔諸軍寨屋經夏霖雨不無損壞今修整俾各安處於是人支錢一千十九年十月十三日詔西溪標撥馬軍寨地可令宋貺親往檢視毋得侵掘墳墓多占民田二十三年六月三日詔近緣霖雨軍營多壞已降指揮賜錢七萬貫令修整庶得安處二十八年二月三日殿前司言平江府合用寨屋一萬三千三百九十四間并

秀州護聖軍添蓋二百間除平江府已蓋瓦屋外有合
造瓦屋一萬二千二百五十三間每間支錢一十貫文
共計錢一十二萬貫二千五百三十貫文已承激賞庫
節次支降通計錢一十萬五千貫尚少一萬七千五百
三十貫乞下樁管御前激賞庫一就貼降從之三十
一年八月四日淮南轉運副使王秬言得旨同池州駐
劄都統制李顯忠商議於樅陽鎮以北二十五里地名
中坊淨嚴寺先次修蓋寨屋三千間及江州駐劄都統
制戚方軍馬踏逐得本州黃梅縣地名龍平山屯泊見
行措置蓋造寨屋兩州合用材植物料人工價錢逐急
於見管官錢內充那支使欲於見管常平錢內却行撥

還逐州借充窠名從之 壽皇聖帝隆興元年四月十五日詔自紹興三十一年軍興以來應朝廷科降并督視行府兩淮節制司江淮宣撫司都督府蓋造營寨之類并係科撥經總制及支降激賞錢銀於州縣和買計置尚慮官吏作弊因緣掊歛不即支還價錢許令人戶越訴仰所屬監司取索違戾去處按治以聞 二年三月十七日詔諸軍暴露日夕將來歸司休息慮恐營寨損弊可令三衙及在外諸軍檢計預行修葺在內委戶部在外總令所量支錢物應副以率執進呈王公述宗受兩軍令歸行在休息指揮湯思退奏乞下都督府制置司相度事勢出戍久遠更番休息上曰先放歸不妨

故有是誥 五月七日馬軍司言已降詔諸軍將校將
來歸司休息營寨損壞令預行修葺本司有疎漏倒塌
柱脚朽爛籬壁芭箔損壞合行修葺共計五千二百五
十一間每間計價錢二貫四伯有零共計一萬二千八
百餘貫乞下戶部支降施行從之 乾道二年七月五
日戶部言馬軍司申差人前去嚴州收買木植二萬條
添置湖州牧放寨屋下本部出給免抽稅文引有礙已
降紹興三十一年正月二十五日依條收稅許執奏不
行指揮難以施行詔特依仍免執奏 三年三月二十
五日武鋒軍都統制兼知高郵軍陳敏言蒙撥錢三萬
貫前去六合縣添造瓦屋相度高郵軍所管舊寨屋自

武鋒軍起離後經今日久多是倒塌已將上件錢除六
合支使外往高郵軍添貼就蓋寨屋支使從之 四年
二月六日詔令戶部支降三合同五分優潤關子三十
萬貫舊會子三十萬貫付郭振克修蓋營寨等使用
二月十一日主管殿前司公事王琪言本軍元有小教
場寨屋一所坐落東青門裏昨臨安府起蓋環衛官宅
緣無官員居住却盡行拆去今來本軍先有收管江州
撥到官兵并新招到人兵及增添隊伍見今官兵權行
合併居住委是闕少寨屋乞下臨安府將見今空閑地
段撥還本司應副起蓋寨屋令官兵居住從之 十四
日詔降殿前指揮使寨圖付殿前司依此改造新屋

五月十三日新權發遣處州范成大進對論諸州軍簡
閱未精營伍未立上曰正緣無營寨所以紀律不行
六月四日知楊州莫濛言措置起蓋楊州牧馬官兵寨
三千間其所用竹木萬數浩漣緣淮東不係出產去處
已分差使臣前去和州太平州以來收買望行下所屬
稅場通放詔依仍免執奏 十一月六日詔荆南郢州
出戍軍馬家小並津發前去就糧屯駐合用寨屋令湖
北轉運司於荆南大軍營寨相近路逐係官空閑地段
疾速措置修蓋合用錢物於本司應管官錢內支給
六年三月十九日兩浙路計度轉運副使劉敏士言得
旨令本司計置材植蘆葦等處蓋步軍司寨屋二千間

應副撥到廣西湖南寄招人兵居止望依例同與臨安
分認起造一千間仍乞下步軍司標撥地段應副蓋造
詔令兩浙轉運司臨安府各分認造一千間繼而兩浙
計度轉運副使劉敏士權發遣臨安府姚憲言照得昨
修蓋馬軍寨應副班直居住每間估計材植埽瓦蘆竹
篾石灰等價錢一十八貫二伯五十九文省今來所造
寨屋二千間共計三萬六千五百一十八貫文省兩司
各計一萬八千二百五十九貫文省欲依例發送步軍
司交收計置物料用軍工自行修蓋從之 四月二十
八日詔兩浙路轉運司見蓋楊家橋寨屋一千間權住
修蓋 十月四日權江南東路計度轉運副使張松言

得旨蓋造牧馬寨屋今已畢工詔令張松將城東齊安寺半山寺二寨並分屯殿前司牧馬官兵安泊已而張松言建康兩次共起寨屋四萬五千餘間三衙牧馬已占一萬二千間外尚有寨屋三萬三千間計九寨在馬鞍山外餘八寨盡在東城兩路連秦淮一帶今來上件寨屋闕人看守欲望每寨差副將一員軍兵三十人前來交割看守詔依令馬軍司差人前去十一月十一日張松又言創造寨屋二萬間計五寨并樁管到材植物料一萬間各已圓備每寨委幹辦官一員知縣一員巡檢一員監督工役委是協濟望特與逐官量行推賞庶可激勸其指使以下從本司犒設一次第一等知建

康府上元縣方廷瑞江寧縣何作善句容縣慕容邦用
溧水縣陳嘉善溧陽縣喻仲遷第二等本司主管文字
吳麟幹辦公事趙彥聲苗觀願茹驥主管帳司文字趙
彥駿第三等建康府東陽鎮巡檢王立靖安寨巡檢商
又馬家渡巡檢韓居實溧水縣管界巡檢吳忠溧陽舊
縣管界巡檢陳沂詔第一等轉一官第二等減三年磨
勘第三等減二年磨勘選人比類施行餘依 十二月
二十六日權兩浙路轉運判官胡昉言得旨踏逐地段
修蓋鎮江府牧馬官兵寨屋已到鎮江府西門七里店
至高資一帶踏逐數處見今標遷除官地外有民間地
段欲從鎮江府踏逐係官田地依數對換內有墳塋即

用離園僻截許令春秋祭祀從之 七年二月十六日
詔浙西諸州三衙舊牧馬寨屋除存留秀州管下屋外
餘並令胡堅常拆移內平江府屋發往建康府令張松
沈度拘收湖常州屋發往鎮江府各揀堪好瓦木材植
內瓦充修蓋新牧馬寨屋木植樁留別聽指揮其不堪
物料給散移戍諸軍充柴薪使用 三月四日詔令張
松疾速於建康府城內撥移都統司空閑六段寨地內
標撥一處措置修蓋一千間充馬軍司廨舍并親隨衙
兵及潛火官兵吏舍庫局等使用 十四日主管侍衛
馬軍司公事李顯忠言得旨令本司將官兵連老小逐
旋津發前去建康府與出戍官兵一處居住本司并諸

軍各有自行計置買到教場等地段候軍馬起發之後
許令本司拘收召人耕種詔依教場內營寨地令兩浙
轉運司權行拘收 四月十一日宰執進呈馬軍司右
軍已到建康上曰聞寨屋稍齊整人情莫安帖否虞允
文等奏曰昨李顯忠說張松措置得板瓦甚多今欲令
張松廣行燒變逐旋修換庶幾可以慰安士卒之心上
曰極是雖日下未能一發修但此聲一出覆瓦有期人
心自喜可便降指揮 五月十三日宰執進呈洪遵已
措置燒瓦上曰洪遵近日職事甚留意允文等奏曰遵
言建康寨屋間有木植小者若欲覆瓦須當抽換臣等
昨日因問李擇乃知蕪湖當塗所造兩寨木植甚小不

能勝瓦此皆太平管下縣也故遵以為言上曰遵樸不欺如此上又曰有內侍自建康回聞馬司人至新寨無不歡喜皆云官家愛惜士卒它日調發止過一水便可接戰免得臨時道塗之勞允文奏曰士卒却知陛下聖意朝臣喜為紛紛之論使聞此言能無媿乎上曰然

十月六日主管侍衛馬軍司公事李顯忠本司舊管諸軍營寨昨來蒙標撥到臨安府管下西溪一帶民戶地段起蓋營屋並於寨牆外撥到空地付本司自行計置材植蓋造房廊賃與隨軍父老作經紀買賣收掠賃錢贍軍百色支用今來移屯建康府望依臨安府本司營寨體例於寨牆外撥地五丈令本司自行計置木植起

蓋收掠貨錢補助軍用從之 八年三月一日步軍司

言本司鎮江府攤木橋石炭渚高資五寨一萬七千間

差將官前去交點以十分為率於內有八九分走趲踈

漏壁飾倒爛望下兩浙轉運司修整施行詔令胡堅常

將蓆草並行去拆瓦屋別聽指揮 八月主管侍衛步

軍司公事吳挺言六合見屯駐本司出戍官兵三千人

緣彼處寨屋多有茆草搭蓋低矮窄狹官兵居止不便

竊見鎮江府七里崗新寨內有拆下寨屋材植蘆瓦等

見在本處堆垛欲望令兩浙轉運司於內取撥堪好材

植一千間并蘆瓦等差船津送往六合縣應副本司自

用軍工逐旋起蓋詔依其六合縣見有寨屋如有損漏

仰本司亦行修整令淮南轉運司量行應副材料 十
月十二日知建康府洪遵言修蓋馬寨屋一行官屬提
督官添差江東安撫司幹辦公事韓琳提督監轄修蓋
左軍後軍寨屋共一萬二千二百間修造官知江寧縣
何作善修蓋本縣所分左右兩處寨屋三千五百五十
間提督右軍寨屋二千一百間知溧水縣梁公永修蓋
本縣所分左軍寨屋四千間知上元縣方廷瑞修蓋本
縣所分左右軍寨屋三千五百五十間詔韓琳轉一官
減二年磨勘何作善梁公永方廷瑞各轉一官繼而遵
言知溧陽縣丞蔣機蓋本縣所分後軍寨屋四千間句
容縣尉嵇忱修蓋本縣所分左軍寨屋一千一百間指

置木植竹瓦官太平州軍事判官趙子勛權句容縣日
收買石軍寨屋木植一千間并收買板瓦及竹木五萬
竿詔蔣機轉一官嵇忱趙子勛各減三年磨勘 十九
日主管殿前司公事王友直言平江府舊管本司諸軍
牧放戰馬寨屋共一萬三百二間內九千四百四十五
間先拆移往建康府起蓋其木植樁留別聽指揮竊詳
建康水草不便若來年許令依舊平江府牧養所有寨
屋望行下計置修蓋應副將來牧放人馬安泊詔依令
殿前司拘收見今樁留瓦木并於將作監見管木植內
支降二寸半徑三寸徑共五千條應副修蓋使用所有
昨鎮江府起蓋寨屋已搬取過瓦木令左藏南庫支降

會予一千貫依元數收買添修使用仍並依元間數起
蓋不得減裂 十一月九日詔令臨安府於忠銳軍寨
相近踏逐地段和買修蓋寨屋六百間兩浙轉運司於
忠武軍寨接連元馬軍司退下寨地內修蓋一千間並
限兩月了畢 二十四日詔令殿前司差統領官一員
將帶壕寨等前去楊州與胡堅常高禹同共相視修蓋
出戍官兵寨屋 九年三月二十七日馬軍司言本司
雲騎寨除倒塌外見在一百六間與樞密院親兵寨相
連鐵冶嶺寨除倒塌外見在三百二十八間與步軍司
右軍潛火寨相連竊恐日後倒塌數多不便乞下逐處
權行交割攤撥付官兵居住候本司軍馬回日具申朝

廷指揮施行從之 六月二十三日侍衛步軍都虞候
郭弟言本司中軍營寨緣地形低窪近因霖雨水漲四
面河道溢滿所湊寨屋三千二百餘間今欲盡數搬移
往本軍西觀音寨內空閑地段上起蓋外有湖州市兩
寨屋宇二千七百餘間例皆經水損壞欲將兩寨通作
一處周圍開掘水道就便取土先次打築堤岸復於堤
上再築圍牆庶幾牢固可以隔水所有合用材植錢米
望應付支用詔依所請南庫支會子一萬貫文 十一
月二十二日臣僚言臨安府所管將兵營房不多往往
星散而處往來出入更無關防望令臨安府踏逐地段
據所闕廂禁軍營房量事蓋造從之 淳熙元年七月

三日知建康府胡元質言乞將江東諸州已發回團結
禁軍寨屋拆移入城改充軍兵營屋從之 二年九月
十二日詔西溪馬軍司教場營寨地撥還馬軍司先是
乾道七年三月十日有旨西溪馬軍司人馬移屯建康
府其教場營寨地令兩浙轉運司拘收至是馬司有請
故有是命 五年正月十一日詔諸路州軍所管廂禁
軍有在營外人盡拘收入營其無營房去處限半年修
蓋從臣僚請也 十一年五月二十四日步軍司言六
合縣見管寨屋三千三百九十八間內有草房三百一
十四間年深損爛不堪居住乞行拆卸揀選堪好材植
令項椿管應副逐時添修瓦屋使用詔令淮南轉運司

如法修葺付本司交管均撥見屯官兵居止日後毋致
更有損壞 八月十五日淮南轉運判官趙彥逾言本
司委官前去相驗得目今見屯官兵不多若以便行起
蓋亦是空閑未用又致損壞枉費工物乞將來有添屯
官兵令步軍司預行關報本司即行蓋造從之 十二
年十二月三日詔福建路安撫司同泉州措置蓋造殿
前司左翼軍水軍官兵寨屋 十三年正月六日樞密
院言温州申本州僻在海隅軍民雜居動輒生事軍人
無營可歸多是在外賃屋居止所有威捷雄威節三十
三崇節三十四牢城等六營屋十闕八九已撥係省錢
收買木植蓋造將軍人盡拘入營教閱從之 閏七月

十六日主管建康府行宮大內起鎖鄧瑋言行宮八作
司營屋斜傾乞下建康府并江東轉運司同共修蓋從
之 十五年正月二十一日權發遣福建路兵馬鈐轄
鄭康孫言乞下諸州將營房倒損闕少去處悉令添造
修葺將在外兵卒拘收入營從之 十六年正月二十
六日樞密院進呈知荆門軍王銖奏本軍創建義勇甲
仗庫瓦屋五十一間又創蓋廂禁軍寨屋四十一間上
曰王銖如此亦不可不賞可特減二年磨勘 紹熙元
年二月十一日知建康府章森言本府鈐轄司東南第
五將兵馬司見管廂禁軍三千五百一人內禁軍一千
人撥充安撫司親兵自淳熙二年劉珙措置營屋作兩

寨居止附大軍入教目今事藝稍似精熟外其餘皆無
紀律蓋緣諸軍徒有營基初無營寨散居四外雖有隊
伍難於結集逐時教閱遂成虛文實為軍政之害本府
已差官逐一相視將諸營基址盡復其舊取倣御前屯
駐營寨規模創立屋宇庶得軍伍屯聚知其戎律朝夕
訓練易於督責見行標撥諸軍逐旋選入居止詔韓朝章森
令學士院降詔獎諭監造官徐文度韓曆韓曆特減二年
磨勘二年十一月二十七日詔鎮江大軍寨屋窄狹
深慮軍人居止未便令韓彥古家將見賃地段標撥付
本軍都統司添蓋寨屋七百間其賃地錢依數交還候
畢工差官覈實合用木植物料錢令淮東總領所先次

依數支降 五年三月十一日詔廬州支撥鐵錢交子
共五萬貫文添造本州屯戍建康都統司官兵寨屋八
百二十一間畢工日開具出豁申朝廷施行 慶元五
年十二月二日臣僚言諸州軍兵各有營房近年因循
不葺旋至圯壞其地多為豪貴請佃軍兵遂至賃屋以
居乞下諸路提刑司督責州郡限半年修蓋營屋委官
驗察違者按劾詔諸路州軍如委有關少營房及損壞
去處隨宜修蓋拘收軍兵居止不得因而大破官錢候
蓋造畢具申監司覈實保明申尚書省 嘉泰三年十
月十一日荆湖北路兵馬鈐轄張舜臣言九江上游之
地控扼險要禁軍舊皆營居今則室廬圯壞散處於外

每遇教閱莫能點集器仗之屬必須特加磨礪今既散居臨時闕請則有不及之憂預先給付則有不測之患况彼請給有限儼居塵市衣食必闕乞令州郡計置營舍無使散處詔依隨宜措置不得科擾 開禧二年四月十五日知隆興府江西安撫施康年言隆興府所管廂禁軍計一十五指揮除團結揀中禁軍一千人見有營寨居止外有不係揀中禁軍并廂軍舊來各有營分緣自建炎兵火之後盡為廢地諸軍散居民間雖有管營軍頭等人名曰部轄實不相統向來帥守非無意於修廢往往窘於用度不敢過而問焉取會諸營見管人數合造屋一千五百八十六間會約人工物料錢二萬

旅

五千餘緡米七百餘石本府財賦歲入有限委難悉辦
伏望朝廷以今來會約到工料錢米許於本府見椿管
錢內應副一半其餘本府自行那容支遣詔令本府於
交割錢內取撥會子一萬貫專充蓋造寨屋支用務要
如法毋致滅裂 嘉定五年二月十二日臣僚言仰惟
聖朝規模宏遠諸州置立禁軍有什五有隊長統於帥
司隸於州籍厚其稍廩以代其耕雄其營柵以安其處
一則責其教閱以備不虞二則不使與平民散處易於
關防也臣頃以鈴戎職事每歲兩詣諸郡按閱竊見營
寨多致傾圯主兵之吏恬不加意而州郡又視為故常
至使軍旅僦居市廛與民無異其患有二一則軍民雜

處多有憑藉伍符因而屠沽賭博陵轢細民既無門禁
關防合于軍頭何由禁戢深為民患誠不可忽一則州
郡之間或有盜賊風燭卒伍之衆星分異處卒難鳩集
乞行下諸路州軍常切檢視營屋如有傾壞隨即修治
照所管軍頭拘收入營不許仍前在外居止仍委帥司
嚴行覺察從之 十一月二十日南郊赦嘉定五年二
月十二日指揮行下諸路州軍常切檢視禁軍營屋如
有傾壞隨即脩治竊慮州縣視為文具不與修葺仰守
臣常切差官檢視歲具修過數目申安撫司照會如違
許安撫司覺察以聞 十三年三月七日詔鎮江府於
令項寄椿交會內支撥會子五千貫黃州充椿管米內

支取五百石付知黃州淮西提刑何大節專充起蓋寨
屋一千間工物食口之費以本州增募敢死軍一千人
故也 十四年九月十日明堂赦嘉定五年三月十三
日指揮行下諸路州軍常切檢視禁軍營屋如有傾壞
隨即修治竊慮州縣視為文具不與修葺仰守臣常切
差官檢視歲具修過數目申安撫司照會如違許安撫
司覺察聞奏其諸處屯戍軍兵營屋仰主帥一體施行